

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**KANTONALNO TUŽILAŠTVO ZENIČKO-DOBOJSKOG KANTONA**  
**Broj: T04 0 KT 0060517 26**  
**Datum: 29.06.2026. godine**

**OPĆINSKI SUD U ZAVIDOVIĆIMA**  
**- sudiji za prethodno saslušanje -**  
**ZAVIDOVIĆI**

Na osnovu člana 45. stav 2. tačke i) u vezi sa članom 241. stav 1. Zakon o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/2003, ..., 74/2020), podižem

**OPTUŽNICU**

**Protiv:**

**V. A., zvan "T.", ...**

**što je:**

dana 26.09.2024. godine, oko 15,15 sati, u Zavidovićima, na adresi ul. ..., suprotno odredbama člana 4. stav 1. u vezi sa članovima 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH”, broj: 8/06), iako je znao da je neovlašteno držanje radi prodaje opojnih droga zakonom zabranjeno, to je i htio, pa je radi dalje neovlaštene prodaje opojne droge držao:

- jednu ručno pravljenju cigaretu tzv. "džoint", sa sadržajem smeđe i zelene biljne materije, neto mase 0,832 grama,
- jednu prozirnu PVC zip vrećicu sa sadržajem zelene biljne materije, neto mase 14,399 grama,
- prozirnu PVC foliju u koju je umotana bijelo-crvena PVC vrećica sa dva prozorna PVC paketića sa sadržajem zelene biljne materije, pojedinačnih neto masa 22,633 grama i 168,606 grama, za koje zelene biljne materije je vještačenjem utvrđeno da sadrži psihoaktivnu komponentu tetrahidrokanabinol (THC) u udjelu većem od zakonom propisanog, te da se radi o opojnoj drogi „Cannabis”, zatim
- jedan prozirni PVC paketić vezan u čvor sa sadržajem materije bijele boje, neto mase 4,228 grama,
- jedan prozirni PVC paketić vezan u čvor sa sadržajem vlažne nepoznate materije bijele boje, neto mase 21,792 grama, za koju materiju je vještačenjem utvrđeno da sadrži psihoaktivnu komponentu amfetamin, te da se radi o opojnoj drogi „Amfetamin”, kao i
- jednu sivu digitalnu vagu za precizno mjerenje sa natpisom "...", na kojoj su utvrđeni tragovi opojne droge "Cannabis" (THC) i opojne droge "Amfetamin", koje opojne droge se, kao takve, nalaze na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH”, broj: 8/06, 103/08 i 51/11), i to opojna droga "Cannabis" u Tabeli I (Zabranjene tvari i biljke) pod rednim brojem 26. Popisa psihotropnih tvari, odnosno rednim brojem 13. Popisa opojnih droga, a opojna droga "Amfetamin" u Tabeli II (Tvari i biljke pod strogim nadzorom) pod rednim brojem 1. Liste psihotropnih tvari, a koju opojnu drogu i predmete je držao kod sebe, odnosno stanu na naprijed

navedenoj adresi pa su mu isti privremeno oduzeti prilikom pretresa izvršenog po Naredbi Općinskog suda u Zavidovićima, broj: ... od 26.09.2024. godine, o čemu mu je izdata potvrda o privremenom oduzimanju predmeta,

**dakle**, da bi neovlašteno radi prodaje držao opojnu drogu,

**čime bi** učinio krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 58/2025, u daljem tekstu "KZ F BiH").

### **PRIJEDLOG dokaza koje treba izvesti**

#### **1. ...**

Tužilaštvo predlaže da se osumnjičenom V. A., na osnovu odredbe člana 238. stav 4. KZ F BiH i člana 78. stav 1. KZ F BiH, **izrekne mjera sigurnosti oduzimanja predmeta**, i to:

- opojne droge "Cannabis" ukupne neto mase 206,367 grama,
- opojne droge "Amfetamin" ukupne neto mase 25,959 grama, koje opojne droge su preostale nakon izvršenog uzorkovanja radi vještačenja od ukupno privremeno oduzete opojne droge od osumnjičenog,
- jedna siva digitalna vaga za precizno mjerenje sa natpisom "..." **deponovani u PS Zavidovići.**